

Ministro Glenbert Croes

PUEBLO NUNCA LO LUBIDA KICO SHON A EMAN A HACI PA ARUBA

ORANJESTAD(AAN) -- Ministro Glenbert Croes, na ocasion di e ceremonia di conmemoracion di e lideman Arubano na Fort Zoutman, a haci e acto di conmemoracion na famia di Shon A. Eman.

E mandatario a expresa cu como Arubiano, como polit-

ico, como yiu di Betico Croes en particular, pa e ta un gran honor di por rindi honor na Shon A Eman.

El a bisa cu mare e por tabatin e añanan di bida pa e por a conoce Shon A Eman, pero tempo cu Shon A a fayece, apenas e mandatario a nace.

E mandatario a recorda con ora e tabata worde lanta pa su tata, con el a siña conoce historia politico un poco. El a cuminsa dia cu e mandatario su mama a conte con Shon A a bay cerca dje pa pidie pa e permiso y sosten pa asina Betico Croes por drenta poli-

tica.

E impacto di Shon A ariba famia di Betico Croes ta un inspiracion cu Betico Croes y e famia lo sigui. Ta deber di tur Aruba y politico di mayan sigui cu esaki.

E mandatario a sigui bisa cu e ta corda ora cu su tata tabata traha na cas, semper e tabatin un potret di Shon A reflehandando su respet, aprecio y estima pa Shon A.

Ministro Croes a enfatisa cu sin duda Shon A a forma e fundeshi y Betico Croes tabatin e honor di lideriza e lucha y 1 Januari 1986 e anhelo di

pueblo a worde realisa.

E mandatario a expresa cu semper e tabata desea cu lo por yega e dia unda tur e gran lideman lo worde halza na e nivel cu ta merita e respet y honor cu realmente nan merece.

Aunque kisas lo tabatin hendenan cu intencionnan pa lubida Shon A, pueblo di Aruba hamas lo lubide.

Despues di e bunita discurso aki, Ministro Glenbert Croes a haci e acto di conmemoracion entregando un buki di stampia na sra.

Blanche Eman y Maria Albertina Eman.



Ayera mainta a tuma lugar un conmemoracion di e cuater lidernan Arubiano, Henny Eman, Juancho Irausquin, Shon A Eman y Betico Croes, den un ceremonia special organiza door di gobierno di Aruba y Servicio Postal di Aruba. En Conexion cu e celebracion di e di diez aniversario di Status Aparte, y e di binti aniversario di Himno y Bandera, Servicio Postal di Aruba a emiti un serie di stampia conmemorativo y cuadrnan di e cuatro lidernan arubiano. Tur di e pintor arubiano Nigel Mathew. Den Fort Zoutman, e edificio historico caminda e prome gobierno di Aruba den Status Aparte a wordo instala, a conmemora e lidernan aki pa medio di nan familianan. Den discursonan impresionante e diferente ministernan a duna aprecio na e lidernan y presenta e stampianan y cuadrnan na e familianan presente. Ariba e portret por mira di robex pa drechi Sr. Fedi Eman, ruman di Shon A Eman, Sra. Edith van de Hans Orman, yiu di Shon A, Sra. Blanche Eman, viuda di Shon A Eman, sra., Irausquin y Sra. Regina van Heulen-Irausquin, sobrina di Sr. Juancho Irausquin, Sra. Glenda Croes viuda di Sr. Betico Croes y Sr. Junior Croes, yiu homber menor di Sr. Betico Croes.

Junior Croes

GOBIERNO TA FORMA PA YIU DI SHON A. Y YIU DI BETICO CROES

ORANJESTAD(AAN) -- Ayera mainta den Fort Zoutman a tuma lugar e ceremonia di conmemoracion na e "lideman Arubiano": Henny Eman, Shon A Eman, Juancho Irausquin y Betico Croes.

Na e discurso aki por a scucha discursonan di peso caminda a muestra con Henny, Shon A, Juancho y Betico a contribui na e realisacion di nos Status Aparte.

Promer Ministro mr. Eman, tabata e persona encarga pa haci e acto di conmemoracion di Betico Croes. El a expresa cu pa gobierno, Betico ta bibo.

Na e ocasion aki tabata presente sra. Glenda Croes y su

yiunan Junior y Guisette Croes.

Despues di a ricibi e buki di stampia, Junior Croes a hiba palabra caminda el a expresa di ta sumamente orguyoso y honra di por ta forma parti di un gobierno di unda yiu Shon A y yiu di Betico a sa di uni hunto y gare e bandera pa sigui cu e lucha di e pueblo. E ta un pueblo libera awe, pero falta hopi ainda pa hacie un pueblo feliz manera tur e cuater estadistanan kier a mira Aruba bira.

Junior Croes ta kere cu e union den un pueblo mester ta algo cu tur e futuro gobiernonan mester sa di propaga.

BOGOTA

Pa solamente:

\$ 150.

Salida: 30 Maart '96
Regreso: 6 April '96

Tour pa Merida cu e
BRASSBAND di Año
D2U 365

Salida: 12 Juli '96
Regreso: 19 Juli '96

AFL 747 - p/p.

Pa mas informacion
contact MOIRA na Tel:
21270 despues di
7'or anochi

TRAVEL TRAVEL
ARUBA

Ministro Eddy Croes JUANCHO IRAUSQUIN A PONE E PROMER PIEDRA PA TURISMO NA ARUBA

ORANJESTAD(AAN) -- Ayera mainta den Fort Zoutman, Ministro mr. Eddy Croes, a haci entrega di e conmemoracion nna famia di Juancho Irausquin. Ministro Eddy Croes den su discurso a muestra cu ta Juancho ta esun cu a pone e base economico di e desaroyo cu a tuma lugar despues den e añanan cu a sigui.

Ta Juancho Irausquin ta esun cu a pone e promer piedra pa locual turismo a bira awendia. Juancho ta e persona cu a duna inicio na loke despues ta worde yama ayudo pa desaroyo. Juancho a percura pa e promer Boulevard canto di lamar, habriendo asina e aerea di lamar no solamente pa turistanan pero pa nos hendenan hotel.

Juancho ta e persona cu a

trece e promer hotel grandi na Aruba.

Ariba tereno social, ta e gobierno caminda Juancho a participa, a introduci e pensioen di viejez. Juancho tabata un gran politico, un gran Arubiano. Un persona cu un vision casi sin limite. Un vision cu te ainda tin resultado. Como aprecio pa tur loke Juancho a aporta na Aruba, gobierno a dicidi di conmemora Juancho Irausquin.

Señora Regina van Heulen-Irausquin a ricibi e conmemoracion aki den nomber di su tata Dabian Irausquin, kende pa motibo di edad avanza no por tabata presente.

El a sigui bisa cu pa famia Irausquin ta un gran honor pa mira cu despues di casi 34 año di morto di tío Juancho, ainda e ta worde stima v recorda.



ACME STORES INC.

P. O. BOX 2146, SAN NICOLAS

ARUBA

SPECIAL FOR ORCHID LOVERS ACME STORES JUST RECEIVED

Peters -	Orchid plant food
Peters -	Super Blossom plant food
Orchid -	Wonderlizer plant food
Orchid -	Bark
Orchid -	Planting Mix
Green moss -	also potting soil

Visit ACME STORES
FOR YOUR
ORCHID SUPPLIES